

Penuntut ditangkap berdua-duaan

TELUK KETAPANG

Sepasang kekasih yang juga penuntut sebuah universiti di daerah ini antara yang ditahan dalam Operasi Cegah Maksiat di beberapa lokasi tumpuan sekitar Seberang Takir malam semalam.

Pasangan yang ditahan kerana didapati duduk berdua-duaan dalam keadaan mencurigakan itu bagaimanapun dibenarkan pulang setelah diberikan nasihat agar tidak mengulangi perbuatan sama.

Operasi yang melibatkan 10 anggota skuad Skim Rondaan Sukarela (SRS) Teluk Ketapang dan tiga anggota keselamatan Universiti Sultan Zainal Abidin (Unisza) itu memberi tumpuan di beberapa lokasi panas yang sering menjadi tempat lepak pasangan kekasih.

Ketua Skuad SRS Teluk Ketapang, Zainuddin Awang berkata, selain pasangan kekasih berkenaan beberapa remaja lelaki turut ditahan sebelum diarahkan pulang ke rumah masing-masing selepas didapati masih lepak dan membuat bising pada lewat malam.

Jelas Zainuddin, operasi



Anggota Skuad SRS Teluk Ketapang memberi nasihat kepada pasangan kekasih yang ditahan kerana berdua-duaan dalam keadaan mencurigakan.

secara berkala diadakan itu merupakan inisiatif yang diambil bagi mengkekang masalah sosial serta jenayah dalam kalangan masyarakat.

"Kita sedia maklum bahawa kawasan sekitar pantai Teluk Ketapang yang terlindung dan gelap sering dijadikan tempat memadu asmaran bagi pasangan kekasih.

"Jadi atas sebab itu kita sangat serius untuk menangani masalah sosial melibatkan golongan belia ini," katanya.

Katanya, meskipun kawasan berkenaan sering diserbu pihak berkuasa, namun masih ramai pasangan yang tidak serik serta mengulangi perbuatan terkutuk itu.